



833067

毗陵

鹽官

鄒長齋

香湖藏

卷二名氏圖

墓誌銘

仲父靜谷府君墓誌銘

敘事得料簡法

嗚呼自仲父府君之亾吾父兄弟行盡矣卽吾兄弟行同會王父以下者僅九人而五年之中哭其死而臨視其封窆者蓋三人矣三人者年皆不及五十嗚呼悲夫非獨骨肉彫喪常痛於心而壽命之奄忽人事之不可測如此可哀也已然則於仲父之葬也奚忍不銘府君

青門麓稟卷十二

墓誌銘

一

姓邵氏諱文煒字光甫別自號靜谷於始祖康節公爲廿一世孫於王父守泉府君爲次子於先考鄉飲君爲後母弟府君偉而顛儉約善治生其少壯時遭坎壞折辱者屢矣然屬有天幸事輒解不至重困明崇禎間流寇蹂躪中原歲連禳三輔飢至人相食會府君有糧役當詣京師至武城有封肉而鬻於市者則人股也府君大駭以役任其僕獨脫身歸後以賦入不中程逮繫郡獄鈞補幾碎家會赦得免國初義興山中多寇大軍數往來其地遊騎分鈔村落府君被執同執數人皆遇害次及府君帥奇其狀貌釋之有讐家子殺人事連府君

守貪欲文致以法太史楊公靜山聞之曰邵翁長者奈何枉法使爲善者懼耶爲自其寃事得已府君故用纖膏起家雖屢挫然意氣愈奮益市田宅燼屋室竟以貴雄於鄉又延名師日督課其子束修醜體之需歲損百十金無所吝此不足覘府君志耶府君少剛果負氣晚年嘔噓更與人爲和旣授產任子孫勅斷家事無所與獨好京房焦氏卜筮諸書稍稍驗其占多中乃更喜爲人占亦時構小詩自娛闌舍傍圃一畝雜植花木花果日曳杖逍遙其中常風日佳時府君則攜壺踞石陶然徑醉醉則諸孫爭扶曳之時時袖拒妝檀梨棗栗之屬

青門籠彙卷十二

墓誌銘

二

委之地諸孫競拾取或至顛踣以爲笑樂里中見者嘖嘖稱全福人府君萬曆丁未八月初一生康熙壬子二月廿一卒年六十有六配蔣孺人萬曆戊申六月廿一
生康熙乙卯二月十一卒年六十有八子男三長謨次訓皆諸生次誥女二長適卞蚤卒次適某孫男九人先是府君年五十卽自治棺槨凡衾襚歛舍之物無不豫獨葬地屢卜之不吉乃不竟卜其卒也浮厝馬尚河先塋後四年會蔣孺人喪諸子遽營地合葬葬匝月有亾賴子來爭其地邀重購會青烏家言亦曰不吉諸子更遷厝於塋傍後一年長子文學君卒曩余有兄弟之喪

三人者君其一也。皆曰浮屠不利其家。乃營今地。以庚辰十二月某日奉府君孺人合文學君祔左。今地在屠于蕩南。嗚呼。府君之沒也。更五年。棺三徙。而卒與其子同窆於此事。之有待於後人者。其果可恃耶。抑是亦不數耶。銘曰。

孰屯其逢。孰亨其終。孰艱其封。粵以子從。妥茲幽宮。厥後其豐。

管奇玉墓誌銘

境地真切。便無規撫古人之跡。

余友奇玉。姓管氏。邑諸生。卒時年僅三十。有二曾大父諱某。大父諱紹寧。賜進士第三人。歷官禮部侍郎。父諱

青門簾橐卷十二

墓誌銘

三

鉉舉孝廉。管氏世家毗陵之華渡。自其大父貴顯。徙居郡城。而支族猶居華渡。故仍號華渡。管氏奇玉。名家子。故饒於貲。好園池竹石之勝。其所與交。多一時知名士。

數餽俎。銜杯翩翩。佳公子也。亦工書。喜作畫。爲山水木石。皆有致。順治辛丑。余館其家。奇玉方構所爲梅花書屋。一樹一石。皆手自灌植。結構不以爲勞。同邑龔仲震。董文友。諸文士。數往來其家。每一過。從脫帽酣飲。談調歌呼。竟日夜不厭。余時在座。客中年最少。然飲不能盡。一升酒。半輒去。去往往自引匿。每至丙夜。僮侍厮役。縱橫頭觸屏風。睡而奇玉獨追陪。無倦色。其好客如此。其

後余以飢驅客遊燕齊奇玉方應舉子試連困於有司
踪跡不復合并奇玉死余哭之津門郎中康熙己酉奇
玉長子從余授經余復館其家周視曩所爲梅花書屋
亭榭欄楯宛宛如舊第石若益而古樹若益而婆娑北
軒鉅竹千箇益挈攬迸雲因而屈指曩時交遊或死或
老且衰者亦已過半益俛仰十年間而余於管氏已閱
兩世矣奇玉外若跌宕而中刻苦憤家中積思以功
名自奮四舉於鄉不售坐是邑邑致疾卒卒之前兩月
猶買扁舟獨遊茗雪閒放浪山水當亦有侘傺亾聊之
感耶奇玉諱滋琪卒以康熙三年某月日娶楊氏前殿
撰靜山公女子男子五長聖植國學生從余授經者也
次孝植次仁植次某某幼女子二皆未嫁將以是年某
月日葬聖植泣而請曰先生知先子深惟先生銘之銘
曰
玉則碎而售者玦材則戕而壽者樗噫噫吁命也夫

故文學卞君墓誌銘

氣完力厚意甚遠而不逕露

君諱煥文字孕靈弱冠補郡諸生有聲甲申之變聞烈
皇帝死國意忽忽不欲生一日盡裂其儒衣冠焚之君
狀貌魁梧世嗜飲既絕意舉子業愈以酒自豪然好議

論亦喜譚兵聞名客岸憤高譚連日夜目光睽睽音叶
如洪鐘燭見致不肯休親知多目以爲迂君顧益喜自
負順治己亥六月海孽內訌攻陷京口因闕金陵人情
軍擾荷擔立君笑曰寇不久退矣夫采石爲金陵上游
門戶兵法所必爭王濬自武昌順流指建業韓擒虎濟
橫江所謂拊其背而扼其吭也寇不知出此懸孤軍深
入久頓堅城之下其衆必疲金陵之甲搏其前吳淞之
水犀蹴其後腹背不支必走矣後果敗遁去君持論往
往奇中多此類也君嘗覽晉史謂陶潛非沉冥麴蘖者

蓋子房自以五世相韓韓滅脫身結客冀報韓淵明欲

青門籠彙卷十二

墓誌銘

五

爲子房所爲而力不能乃不得已托於酒故朱子曰詠
荆軻詩淵明露出本色千古知淵明者朱子耳又謂阮
籍有用世志沉醉非其本懷廣武之歎胸中大有塊壘
意蓋自寓云君旣自廢棄則益好劇飲頽然自放每親
交過逢談噱酣呼窮曠旭不倦醉則往往系歎悲歌泣
下人莫測其所以然噫嘻君一逢掖子非有宗社民生
之戚而其磊落無聊之氣若鬱淳不可解者乃一泄於
酒以晦其跡而終其身居常仰天歎曰古有夷齊爲餓
夫我今爲醉夫噫嘻志可悲已卒以康熙庚戌九月距
其生萬曆乙卯享年五十又六君性慙直與人言輒面

折人過然亦以是嫉於人未卒前一月睚眦君者誣伯
子以殺人訟於官邑令張公廉知其冤狀得不坐未幾
邁疾卒悲夫君姓卞氏按狀系出晉忠貞公壺後靖康
閒諱長卿者扈蹕南渡官兵部尚書賜葬毗陵勝西里
子孫因家勝西二十傳爲考益愚翁諱某隱德不仕妣
周孺人配錢氏先君若干年卒生四男子二女子四孫
男子先是益愚翁舉四子君與伯兄孺人出叔季皆庶
出翁歿遺產值數千金或謂君割產不當並它姬子君
曰子詎有嫡庶耶卒均分之孺人亾事庶母陳極恭謹
力捐若干金修大宗祠以歲時合族舉祀事是皆可書

青門麗臺卷十二

墓誌銘

六

者君沒之三年諸孤將以某月日窆某所其甥陳質自
爲狀來請余銘請至六七不倦陳質文士有氣節其言
信銘曰

亾兒士騷壙誌銘

詩文到真處卽是極至

邵子行於舍北之墟荆榛蔓翳狐兔驚馳邵子於是仰
天歔歔泣下沾裾曰嗚呼噫嘻此吾亾兒之壙也不銘
之嚙知吾亾兒之壙也邵子旣歸於是復仰天歔歔泣
下沾裾曰嗚呼噫嘻吾忍銘吾亾兒之壙也亾兒名士

騷乳名和尚幼慧稍執筆學爲文卽有思致喜誦余詩

識大意余常作元日試筆示驥兒詩曰雨聲連隔歲寒
色掩柴荆濁酒呼兒子新年覺長成問知桃板字漸覓
粟梨輕占候聞野老今朝喜晚晴兒讀之舉問粟梨句
余爲誦淵明責子詩欣然曰大人幸教兒兒似勝陶家
諸兒矣余喜引滿至醉時庚戌元日也距死之日僅十
八日耳痛哉兒性純孝曩余連遭二喪家益落飢驅燕
楚閒余妻居不能治飯卽日治糜耳然猶雜馬藍藜覓
手餽之兒自塾歸刺澀當有淚下不能下咽輒依依含淚去然稍
甘輒固以讓母不自食也今饘粥麤給而兒死矣余妻
之腹悲者在此每與余語中夜絮泣達曙痛哉痛哉死
之前三日出枕上柜妝菓餌又有展下分餉幼妹乳媪及家人兒
殆遍比死呼爺孃不絕口者兩晝夜痛哉痛哉兒生於
順治己亥十二月二十八日痘殤於康熙庚戌正月十
八日僅十二歲瘞於舍北百餘步未成葬也塚傍故有
棠梨樹一株蓋百餘年物云兒白晳矐目疎秀法不當
氏然竟天命也夫銘曰
夢而見汝牽袂以嬉覺悲其死涕泗交頤父號母吽泪
竭血垂汝知耶其不知耶

墓表

前明徵仕郎河南都司經歷賀公墓表

青門篋橐卷十二

墓誌銘
七

瓊瓊止序數大事又詳密曲折皆具此真韓歐
之遺

當明季崇禎時。流寇之禍。癰秦。蔓延楚。屠斬黃。赭。郎。襄。喋血宛。雒。而會賀公以明經再遷爲河南鄭州丞。乙亥。元旦。寇數千將薄鄭。鄭故土城。又庫守。臍胸不任事。而故事歲賀正於大府。例遣丞行。或謂公曰。賊張甚。公無守土責。且以謁正往。誰厄公者。公正色曰。鄭州介滎陽。成臯。爲大梁。西蔽賊。不敢踰。鄭而中於大梁者。懼鄭躡其後也。吾去則無鄭。無鄭則無大梁。必死守。鄭明日方聚衆。畫城守謀。訛言賊燬西門。入一城。皆奔。公立呼謀。

青門籠橐卷十二

墓表

八

杖之。按劔坐城上。曰。敢出城一步者。斬。久之。乃定賊。至則歛甲登陴。而宣言請兵幕府。俄發礮碎其二賊。賊稍解。分鈔旁近。時郡兵實不滿三百人。公夜驅市人婦女。悉乘城。人植一幟。旦日望陴上。五采旛。環城再匝。四面吹角鳴鼓。效京營兵。城中益擊銅。應之。賊疑禁兵援至。因其駭散。臺使者疏。公守鄭功。當峻擢。而明季資格。士繇科。賁起家。卽自樹立。亡有推轂。至公。卿亡論。公卿亦少有。至收守二千石者。公以故。僅遷省都司。經歷。尋攝項城。令項爲賊巢。不耕者五年。賊環城而壘。左右掾

史以下皆賊耳。日公至。延見父老爲檄。檄諸砦曰。吾知

汝曹皆良民。鋌而走險。方春耕時。急復業。自謀生。不則大兵至者。族矣。又日設糜四門。食飢者。而以閒築營堡。嚴保甲。儲器練卒。項始有固志。先是。邑黃冠劉仲堯。田仲賢。皆勇士。以俠敗繫獄。公出之。署團練總。屢擊賊。詣縣上首級。公自持卮酒迎勞。曰。壯士不當如是。耶。後與賊遇。仲堯從數騎。赴賊墮伏中。力戰被槍死。仲賢殿而免。公爲文祭之。哭極哀。吏士感激。泣下。姚金者。故劇盜也。以驍勇聞。被獲。公呼諭曰。汝當死。然死盜。不義。吾活汝。金叩頭感泣。公授以朱玉高霄名。曰。縛此自贖。朱玉者。亦劇盜。乘一騾。日踔四百里。部曲千人。金計是獨可。

青門籠囊卷十二

墓表九

智取耳。一日偵玉從數騎。袴褶佩雙刀。飲某所。金呼兩壯士從。突入就席擊殺玉。解其佩刀去。高霄者。項大俠家。藏匿。亡命惡少年百餘人。日推理剽。效縣中。金獨身入其巢。乘霄出。袖鐵椎。椎霄仆地。縛之歸。自是賊黨解散。不敢入項城界。然公竟病劇。遂不起。以丁丑五月卒。於署公歿之明年。項城陷。又六年。而神京淪沒。嗚呼。當是時。郡縣吏苟盡捍賊如公。則縣寇不及。州寇不及。省何至以賊遺君父。不然。或破資格。以一面寄公。虞詡。皇甫嵩之功。詎足道哉。而乃位不竟。用齋志以沒。悲夫。

志夫。公姓賀。諱懋。廉字貞叔。別號瞻雲。世居丹陽。蔣墅。

配于孺人生三子燕徵龍徵麒徵後三十餘年麒徵持
薛先生家誌及自所爲狀來再拜請曰孤不孝以丁未
九月某日收葬公荆城祖塋而墓石未立敢請某謝不
獲則爲表其大者如此初公守鄭時于孺人亦在圍中
公入語孺人吾死是土矣女其行也孺人曰城全不必
去城破義不當去君命視城吾命視君嗟乎冠進賢膺
城社號稱丈夫者遇有難鼠竄喙伏者比比也視孺人
有愧色矣是於法得附書

中憲大夫常州府知府駱公墓表

公諱鍾麟字挺生別號漣浦姓駱氏世爲浙之臨安人

青門篋橐卷十二 墓表 十

中順治丙戌浙江鄉試丁亥進士副榜例授安吉州學

正歷階文林郎奉政大夫中憲大夫歷官蓋屋知縣北

城兵馬司指揮西安府同知常州府知府治常二年以

憂歸後五年卒其卒以康熙十五年享年五十又三常

爲東南大郡絲賦重科條繁瑣吏得因緣爲姦故皆窟

穴蠶食其中前守屢以賦入不中程或罷或貶秩去公

至則櫛蠹決癰立法鈎校夙弊一除屬邑漕羨三千金

例以遺守公曰吾利若金是甘漕弁餌而令卒益魚肉

吾民也矢於城隍神峻卻之弁亦斂不敢他有要索月

朔數延見郡長老聚子弟中講鄉約爲陳孝友嫻睦之

道民有爭訟後悔願和者令兩造得自言慰遣之或以
睚眦相告訐輒引至前反覆開導徃徃感激叩頭去庚
戌郡被水流民允飢公減俸出粟賑之不足則勸輸巨
室富人籍民之飢不能自食以口計者若干籍粟以石
計者若干城內外受粟之地若干所任其事者百石吏
以下若干人病則令視醫藥死則治斂埋自正月盡五
月止全活以萬數其立法緘悉後可施行明年夏又旱
公葛衣草屨步禱二十日不雨則詣郡獄露禱日食糲
飯一盂菜一匕就獄中引見屬吏耆老具道太守以不
德致菑累吾民痛自刻責言與涕俱尋遭太夫人喪民

青門籠彙卷十二

墓表

十一

號哭請畱者數千人公亦哭舉手曰敬謝父老使某爲
不孝子卽何面目立吏民上會督撫亦以格於例不果
畱公性和易愛民好教化其治寬嚴互用務愜民情有
所案治持重不輕發發卽勢豪居閒爲請終不能奪然
廉平不苛所至有惠愛聲其令蓋屋俗多錮婢女至老
無適對匹公下令禁止涓水決壞城郭廬舍公齋沐臨
禱請以身當其衝河卒他徙常攝興平令興平豪右分
四門爲部黨健鬪訟持吏短長前令不能制公廉得其
主名收按致法姦黨散落北城兵馬司於京兆尤劇號
難理公治有聲有喇麻僧與其徒爲姦利公按治之無

所回避西安俗悍多盜公捕十餘人笞而釋之令歸
曉其黨具陳禍福餘悉解散或竄入傍郡界中訖公任
西安無盜公歷官二十餘年其治有名蹟多類此先是
公令蓋屋時故師事李徵君顥顥字中孚卽其縣人學
者所稱二曲先生也守常之明年迎致顥作興延陵書
院率薦紳諸生講學其中躬北面執弟子禮論者多之
比之歐陽太守云歐陽名東鳳明萬曆閒守常州闢龍
城書院故址祀郡先賢延師儒親爲諸生執經講問一
時稱盛事更七十年而後公繼之蓋吏不尚教化久矣
國家自蜀閩用兵以來東南賦斂日急又時時有大緣

青門雜藁卷十二 墓表 三

役州縣吏競毛舉束濕尚刻急取一切治辦者號爲能
吏其不肖者則旁緣侵漁在一取十蓋距公之治常四
五年閒吏治一變有講休養教化於是時者溺其職矣
卽常之父老亦以爲本朝三十餘年郡更十餘守求治
行如公者指不數屈嗚呼循吏之難得如此幸而得之
又不獲竟其施有識之士所爲慨慕而歎息也曾祖諱
某官三山丞祖諱某宣府把總考諱際明邑諸生以公
貴計如其官子嘉泰嘉豫嘉觀皆諸生公卒後一年嘉
泰狀公行事介蘄之族兄贊來請表其墓蘄少賤不敢
嘗曰辭贊曰忝之請也誠斬其文之足不朽公者不以

名位將乞銘於寧都魏禧禧亦布衣士子幸許之衛曰
諱乃表其大者俾揭於墓之原

禮科都給事中素洲梁公墓表

代莊澹菴宮庶

公諱維本字立甫姓梁氏世爲真定人祖諱夢龍前明
萬曆開官吏部尚書稱名臣父忠以蔭授錦衣衛千戶
公弱冠補弟子員天啓辛酉舉於鄉屢試禮部不第順
治元年大世祖章皇帝詔求賢才公以吏部尚書劉公
薦召試內院稱旨除中書舍人尋遷禮科給事中時天
下初定一切制度草創左右勳舊大臣多以戰功顯經
筵日講諸大典未遑舉行公首抗疏畧曰 皇上隆堯

青門籠彙卷十二

墓表

三

舜之姿躬岐嶷之美臣材讖駑下無能仰禪高厚竊計
今日所以助成聖德者莫急於經筵伏願 皇上延見
碩輔親禮儒臣留神經史之學讀漢書習漢字奏章不
藉翻譯大臣而陳幾務通上下之情防壅閉之漸羣下
獲望盛德休光天下幸甚 況 皇上說學則滿洲蒙古
大臣莫不說學其裨益尤大疏入 上嘉納之而前明
經筵故事先期禮部擇吉日以聞是日內侍陳講座勳
臣駙馬陳侍衛夾陛皇帝出御殿鴻臚引知經筵侍班
講讀臣北面載拜以次上殿東西鄉立御史給事中各
一人東西立北鄉鴻臚贊進講翰林進講臣二人出班

北郊正展書臣二人進立銅鶴下東西鄉鴻臚贊拜已
展書臣跪展書講臣進講已命賜酒食以次下殿北面
載拜出議者以爲禮儀繁縟故議久未行公復抗疏曰
皇七幸採臣言將肇舉曠典甚盛事也臣愚以爲時有
實文禮有損益況體貌過盛厭怠易生聖躬有臨蒞
之勞臣下無由盡納牖之益進講儀宜從簡易期可行
於者故其世祖親政開經筵興禮樂妙選侍從文學
儒臣皆公疏啓之也公美頽頽長身白皙居家孝友和
易鄉里稱長者及爲諫官數慷慨言事疏請明職掌議
遷除興水利皆關國家大計四年遷刑科右給事中禮

青門籠彙卷十二

墓表

古

部試天下士以公爲同考試官出公門下者十有六人
五年遷戶科左給事中又遷禮科都給事中公前後歷
官未嘗出諫省益侃侃發舒無所迴避條上封事以十
數一多從其言七年以疾卒於京邸初公居鄉喜施予
歲入生子女多棄不舉者公設法勸收所存活甚衆次
子宏明季掌北鎮撫獄公手書勅宏宏爲國家培元氣
毋訥伺鈎距以人命易功名宏多所平反闖賊入都徇
節死之子八人清寬清標尤知名皆由翰林官尚書今
方爲時名臣功名宏載國史其它子姓生卒月日具詳
前禮部尚書弘文院學士王公鐸誌銘中嗚呼某於公

爲月下士曩十六人者某其一也距公沒二十有七年
爲今上康熙之十五年某蒙恩復用道出真定獲拜
墓下。泫然久之。嗚呼。公立朝表表大節。國亡待某小
子之言。某小子眷念師恩。庶幾得繫名墓道之石。以慰
余思焉。墓在真定之某原。

巡撫湖廣都察院右副都御史楊公墓表

代

公諱素蘊。字筠澹。別號退菴。舉順治壬辰進士。除東明
令。東明當河決後。敗官亭城垣。民廬殆盡。居民依丘阜
僅數十家。公至。設法灑濬。繕完城堞。招還流散。三年閒
戶增至萬餘。山東羣盜任鳳亭王小岡聚衆數千人。剽

青門籠棄卷十二

墓表

五

涼。旁郡漸擾。害畿南。制府密以屬公。設計招降之餘黨。
留置久之。以治行卓異。入爲御史。公亢直敢言。前後條
上章以十數。皆切中時弊。而尤著者在直。糾逆藩一疏。
先是逆藩吳三桂開邸滇黔海內。財賦輦輸軍前者歲
亡慮數百萬計。守令以下皆得自辟署。珍貝犀象明珠
育金之寶。克物私室。勢傾中外。羣失職之士及亡賴少
年多歸之。三桂寢驕。漸至題用朝臣。無復顧忌。公毅然
疏斥其姦。大指謂爵祿者人主之大枋。綱紀者朝廷之
大防枋不可移。防不可潰。疏末有防微杜漸語。閣臣咋
舌。持其章不敢下會。世祖章皇帝晏駕。輔臣外遷。公

爲川北道。以前疏也。而三桂猶銜公不置。具疏辯必欲罪公。而後已有旨。令回奏。公奏畧曰。臣所爭者朝廷之體統。至防微杜漸。語不過期。該藩每事盡善。爲聖世純臣。非有他也。故事外吏拜疏。必先具揭。撫軍佟公見疏。語直懼。且得罪彊公。竄易二語。奏上。以糾叅無實。坐貶公。拂衣歸。閉門不出者十年。嗚呼。古今事變之所伏。每患深識之士。知而不敢言。或言矣。而不用。語曰。熒熒不救。炎炎奈何。使公言獲用。則曲突徙薪之功。可勝道哉。康熙癸丑冬。三桂反。書聞。人始服公先識。於是四部交章薦公。可大用。以外艱辭服闋。赴湖廣軍前。題補分

青門籠彙卷十二

墓表

去

守鄖襄道。當是時。賊軍據川東。襄陽總兵楊來嘉副將洪福相繼以城叛。應賊。房保之閒。與賊相犄牙。而王師餽餼自襄至房保。路險陘。舟車不通。歲調襄陽安陸德安三郡丁夫擔負。率餽十致一。夏秋霖潦。溪水漲。冬雨雪。徑滑。顛墜漂溺死者相望。丁夫缺。仍檄郡勾補。三郡大困。而饑苦不繼。公訪知穀城有小溪。可通舟。乃親按行川谷。燒石剪木。數十里。開漕船道。於是水運通利。省三郡丁夫十九。而軍無乏興。公之功爲多。遷山西提學。道滿考。內陞。凡四遷。康熙二十六年。以右副都御史。巡撫安徽。會歲飢。特疏請賑。甫拜疏。卽檄下州縣。屬倉賑。

給吏或以爲言。公曰。若上須報。則濡滯時日。是某氏也。且皇上仁聖。必得所請。尋報可。所全活飢民無算。明年夏叛卒夏逢龍據武昌。全楚震動。而安慶當三省衝訛。言屢驚。婦女爭出城走避。有司訶之不止。公大書榜門。曰。願出城者聽。而徐以塘報殺賊情形。曉諭遠近。數日。人情安堵。出城者復歸。十月。奉移撫湖北之命。時湖北新熾於寇。夏賊雖誅。脇從者尚衆。人情恇擾。或一夜數驚。公至。首嚴告許之禁。以安反側。會上元節。許民間張燈火。陳魚龍百戲。元夜坐堂。皇戟門洞闢。令士民出入。縱觀。明日市井熙然矣。公定變大畧多類。此是歲

青門籠彙卷十二

墓表

七

與疏請緩徵漕糧。又疏請兵餉免搭放制錢。先後得報可。入秋得末疾。寢劇。遂以康熙己巳十月卒於官。距其生爲前庚午得年六十。先是湖北郡縣疾苦最甚者。爲沔陽州衛之沈塌田地。江陵縣之沙壓空壓。漢陽嘉魚之崩坍。咸寧黃陂景陵之穀折。江夏崇陽武昌通城。漢陽漢川雲夢孝感應城之穀田科重。監利之一年兩賦。凡六事而受害者十七州縣。蓋積數十年矣。公悉廉得其實。條爲兩疏。未及上。會病甚。遂口授於遺疏中。切陳之。就枕上作叩首狀。曰。此疏行。臣目瞑矣。嗚呼。孳孳爲國。知無不言。公殆無愧歟。楊氏系出弘農。至震而大

著曰是代有顯人公之先世居宐君縣之石堡村不詳所始徙高祖諱時宜舉明經不仕曾祖諱彩諸生祖諱國俊歲貢官三水教諭卒祀鄉賢父諱清明經廷對前明天啓間避璫讖不仕以公貴累贈如公官兩配皆劉氏先公卒累贈淑人又繼田氏誥封淑人子男子二長綱侯選知縣次維國學生女子四孫男一尚幼既葬綱函書狀遣使走四千里來請表公墓石余禮辭不獲乃掇其大者而書之

應人旅槩

青門麓槩卷十二

墓表

大

姪衷赤文孫編次

男 士豫

士京

全校字

叱陵

邵長蘅子湘

篋一名衡

鹽官

陸嘉淑水修批點

碑

重建吳城張令公廟碑

豫章以東導江二百里而近其衝曰吳城其險曰彭蠡
吳城雖下鎮然地四達瀕湖凡吳越之綺縠織文閩之
丹漆番禺之象犀玳瑁及蠶蕤竹木銅鐵罍餼之貨畢
道於是民陳椽其閒鱗比然士大夫過者舳艫往來交
錯其疆而湖之浸三百里脫遇波濤洶歟破戩艘飽蛟

青門籠臺卷十三

一

鼉往往而有先是吳城故有廟祀唐張公巡俗呼張令
公廟相傳明太祖與偽漢陳友諒大博戰彭蠡湖公陰
劇賊鋒明既剪漢加封公巡湖威烈王卽其地置廟云
神職在湖故靈異最著舟楫之往者詣廟搏額乞靈然
後敢入其至者歡然脫險必維舟進禮廟下每旦扉始
闢帷煙若霧列炬若星卦牲黹幣巫覡歌舞迄無虛晷
嗚呼豈神意使然哉康熙九年某月燬於火吳城民亟
謀所以新之僉請命於中丞某公公首捐金若干兩屬
吏承之士民佐之杞梓榲桮之材十尋以上者浮江而
下匠氏引斤巧人操鋸陶甃礱石幅帙捆集丹堊有耀

蕺密碱齊計始事至訖工僅閱歲鉅麗踰舊觀四方之
到牲難幣者滋進益虔是歲也年穀順成湖波不揚民
大和會蓋某公來撫江右幾十稔寬緣役釋道負贍飢
饑厚禮賢士大夫及是舉應時典事理民祀神胥罔怨
恫功德可頌也已廟傍故有雙忠祠並祀許遠亦重建
謹按公徇節始末具垂國史廟之創建月日別有記皆
不書吳城民請勒辭廟石而繫以頌頌曰

吳山之墟彭蠡之澚有廟嶽業惟歲淹茂祝融災之迺
燎迺蕪翳匪神災實惟人咎氓庶震懾奔走呼號請命
撫公公曰余感易燼而新杞梓榱桷甄燹金石不待教
令徵發期會咸競趨役彭蠡之澚吳山之墟新廟孔閑
閑閑屹屹神告妥侑氓益祗虔安瀾祥飈蜃伏鱷徒蛟
龍蜿蜒新廟旣建神人具依蒸徒怵焉吳山之墟彭蠡
之澚於萬斯年

青門麓橐卷十三

碑

二

東甌湯襄武王祠碑 極似舞陰等傳

世祖旣平江南統一區夏首釐定祀典詔曰祀有舉無
廢八前代帝王祠廟其悉領於有司爲歲事曲加禮以
稱朕意於是常州故有東甌湯襄武王祠得不廢有司
愆以春秋奉一少牢祀越若干年其裔孫某請辭饒之
牲石置也謹按王姓湯氏名和世居鳳鳴京湖里明太

祖起滁陽王甥館王以千戶從攻洪山寨拔之從攻滁州先登授管軍總管從攻下和州陳也先寇和州王與諸將擊走之從渡江下太平陳也先寇太平王與諸將破之肉也先攻溧水句容先登從攻金陵拔之太祖為吳公王以統兵元帥會徐達下鎮江攻金壇富莊以南取之以同僉樞密院事攻常州克其城太祖命守常州填廬之偽吳張士誠軍寇常州戰陷陣鹵甲士三百再戰鹵甲士千舟千艘馬百疋其後會徐達攻無錫擊士誠軍陽山下轉擊別將莫天佑鹵其妻子還拜中書左丞偽吳丞相張士信圍長興王會常遇春擊破之劇盜

青門籠橐卷十三

碑

三

姚大膽反豫章王擊斬之豫章還復守常州太祖進位吳王丁未吳元年王以中書平章會徐達常遇春攻姑蘇鹵張士誠因東擊降方國珍吳越悉平戊申吳王即皇帝位改元洪武王以御史大夫畧定閩粵諸郡縣還報九月從幸汴梁二年從中山王徐達平關隴三年又從襲擴廓帖木兒西北取寧夏東下大同宣府九月還京師論功賜爵中山侯食祿一千五百石四年詔偕德慶侯廖永忠擊蜀王明昇降之五年詔偕中山王北伐窮追至和林還八年又北伐追伯顏帖木兒獲馬牛羊八算十年進爵信國公食祿三千石世世剖符不絕二

十八年王薨於里第。追封東甌王。賜諡襄武。王起千夫長。至爵上公。凡九遷。在軍中凡二十五年。大小百戰。八下三國。定郡縣百餘。其填常州凡十年。王填常最久。故王功在常最著。先是常州故城周四十里。地甌脫難守。屢破於敵。王至。斂東南西之外郭。築之圍廣十里。而隘臺隍峻。浚樓堞。蔽虧屹然。巨鎮矣。洎王以老乞骸骨。歸上曰。日本叢爾小彘。跳梁海上。卿雖老彊。爲朕行視。要害築城。增戍以固。朕聞王奉詔行築海上。數十城。民四丁取一守之。是皆王功於東南之大者。閒攷史籍。漢唐以來功臣。莫不勒勳旂常。配享太廟。至於故所立功之

青門簾囊卷十三 碑

四

地。往往廟食以酬忠勞。然當代崇之。易姓則已。王之祠於常。簷牙如故。俎豆不祧。固王之豐功偉烈。足自永於茲土。而本朝酬庸報功之典。不以先代之臣有所貶損。是高出漢唐也已。祠在常州城東隅。祠右故有關帝廟。相傳卽王將臺遺趾。祠之建在明崇禎十六年。裔孫某捐千金成之。頌曰

王起濠梁。真人之鄉。六合晦暝。雲蒸龍從。遂平金陵。畧定南邦。高牙大纛。王填於常。王之未來。豨突狙駭。王來填常。息及牛馬。稼穡豐殖。椽肆列賈。寇逸宵馳。野無驚者。於惟王功。殫越踣閩。威燁颺行。蠻蜚諛順。孰如填

常驩欣庇衽於惟王功。剗秦劇蜀。關隴幽冀。遠近嚮服。孰如填常。桑麻餽粥。作城隴隴。是惟王功。垂四百禩。深血崇墉。作廟奕奕。以酬王烈。朱扉獸鏤。冕旒赤舄。鼎易弗革。皇帝之德。豐碑巍峨。永垂金石。

敘事詳整。簡練兼有變化。真史筆也。抑深得韓昌黎法。頌詞如金鐘大鑪。亦屬昌黎得意筆。亦方。

毗陵關帝廟新建三義閣碑

生爲萬人敵。沒而以靈爲神。求之史冊。往往而有。若廟

公大人。下迨傭販吐隸。以至武夫悍卒。殊域徼外之人。

青門籠橐卷十三 碑

五

莫不搏頹乞靈。恐後。其威神英爽。有以奔走一世。而不知其所以然。亘千五六百年間。惟帝一人而已。毗陵廟祀帝。始於明嘉靖三十五年。時倭寇蹂躪內地。王師討

之。過常州軍中。若見帝靈響。師大捷。於是督師者。傲有司。立廟於常語具邑。人唐中丞順之所爲。廟碑按史。帝初諡壯繆。以侯禮葬。宋大觀初。加封武安王。明萬曆間。封伏魔大帝。天啓開始。詔中外。凡祝冊廟額。皆以次秩。帝號而碑。猶稱侯。仍其舊也。先是廟當郡城異隅。巋然一突。相傳湯信國將臺遺址。顧前崇後庠。形家言以爲不稱人。本朝故大學士呂公官前殿撰楊公廷鑑各

倡捐若干金構傑閣於殿後閣凡五楹址崇及仞閣崇三倍址廣可布十筵深不及廣三之一經始順治己亥十一月至庚子十二月訖工費白金一千二百兩有奇道紀陸序奎實董其役旣成並祀漢昭烈張桓侯於閣而名曰三義州人歲時奔走祀事或疑昭烈桓侯身未嘗至吳又非有功德於吳民於祀典爲不經此拘儒之論也史稱先主與二人寢則同牀恩若兄弟而稠人廣坐侍立終日隨先主周旋不避艱險蓋當日異姓兄弟之好如是桓侯卽亡論帝從昭烈於崎嶇顛沛羈囚奔竄之餘不爲威怵不爲利疚開關百折而卒歸故主帝

青門籠彙卷十三 碑

六

之心詎能一日忘昭烈哉今夫幽明一理也生而誓以肝膽死生之信北面而事之歿而漠然等之途人苟在天之神當亦有怒然不安者然則閣之建所以益妥帝靈而爲吳民邀福於帝甚鉅閣成二十年序奎之徒曰褚真一始乞余文記閣成月日與其師之姓名余嘉真一能不忘其師之成勞而又以慨夫呂楊二公能捐數百金爲人士倡而獨未暇龔片石以垂後良爲闕典遂不辭而碑之且爲詩三章以享神其辭曰

童童車蓋樓桑村。玉璽騰漢火井燃。大耳公是隆準孫。武擔山南踐至尊。千五百年靈爽存。重檐畫拱高截雲。

神來格思羽葆駢赤螭駮駕雲膺翻春蘭秋桂永弗諼
修筵廣室神孔安一右享昭烈

帝功赫濯神在天上爲日星下嶽川鬼工七日創玉泉
赤驥蹴踏鹽池寒豐碑穹祠窮遐垠孰如茲閣傑且安
異隅嶙峋古將壇赤鈴絳節紛麾旛俎豆一堂弟與昇
千秋萬禩福吳民右享帝君

燕領虎額獰於龍起噓炎燼扶桑紅橫矛瞋目長阪東
闕如虺虎氣薄虹操鬼愕貽避厥鋒釋顏走郤惟侯功
生萬人敵歿猶雄幽明一體胎蠻同有閣巖業神所宮
出入肅肅飄回風右享桓侯

青門籠橐卷十三

碑

七

三義自是俗見經其手筆確有至理不磨詩辭尤奇
一崛入古一赤方

屠王神碑

社之祀歷周秦至今垂三千年世載祀典蓋大社國社
而下自二千五百家以至二十五家通得置社周禮州
長以歲時祭州社則屬民而讀法是二千五百家社也
左傳昭二十五年齊侯置千社於魯哀十五年齊人與
齊地自濟以西禱嬾杏以南書社五百杜氏注二十五
家社也今里社之置遍天下其神多有姓氏爵號如史
所稱樂公社之類又其祀屋而不壇其神搏土斲水而

不立石至此其與古異也夫社所以神地道地墮然耳必有神以主之其諸古勾龍配社棄配稷之遺意與夫既有神焉則去壇而爲屋改石主而肖像亦勢然也吾章惶里之有社其來頗久相傳神姓屠氏其像冕七旒青玉爲珠服七章赤鳥執珪而其號爲王故老相沿蓋莫知所自始云余竊疑王爵尊不當下爲里社小神或曰周里二十五家漢一里百家今吾里廣袤視古黨鄙而倍戶千餘口率四倍戶其地大則其神宜尊或曰漢制徹侯功大者食縣小者食鄉亭冕服數皆用七豈神生嘗封侯而史失其名耶其既歿而爲神而民之尸祝

青門麗臺卷十三

碑

八

之者乃相與奉之以王稱耶是皆未可知余聞考邑志載陳司徒神事神卽毗陵人諱杲仁仕隋爲司徒以不從沈法興之亂遇害數著靈異爲鄉里捍患禦災唐宋以來累封忠佑武烈大帝明太祖改稱陳司徒之神爲郡八祀之一然吾邑往往祀之爲社神夫帝之尊無上卽司徒亦古三公官也乃下主里社之祀蓋所爲爵崇而職卑者然則屠王之廟食於茲社也固宜社故在慈雲菴右稼穡必祈水旱疾疫必禱有疑必占所嚮神輒響應故里人世世奉神祀廟歷數百年不廢入本朝稍拓而大之顧前此碑記闕焉長蘅里人也實託處宇

下爲文以垂久遠。非長蘄賁而誰。又按祀典。社祭一歲。有三。月令仲春命民社。春祈穀也。孟冬人割祀於公社。冬報也。小雅以我齊明與我犧羊以社。以方鄭箋曰。秋祭報其功也。祭皆得用樂舞。乃爲樂章。三章令巫祝歌之。其辭曰。

天桃兮始華。麥青青兮坡陀。巫覡兮會舞。士女集兮婆娑。神之降兮偃蹇。導雲旗兮風衍。衍冕七旒兮琳瑯。龍袞連蜷兮孔華。曼衍雜遝百戲。羅笙笛簫鼓鏘鳴和盛。長兮黍社。福我民兮無札瘥。右春祈。

甫田兮登成。滿篝車兮穰穰。秋稔露溢兮如坻。如京。豬

青門麓臺卷十三

碑

九

鷺鳴鷄兮肥稻。與梁吹幽兮擊鼓。索百鬼兮迺嘗。潔犧羊兮柔明。噉冪勺兮實瑤漿。噉鷹兮南翔。楓丹兮菊芳。神欣欣兮樂康。右秋祭。

玄冥駕兮迫冬節。冰峨峨兮飛雪。謹蓋臧兮百室。祀天田兮龍左角。童子合舞兮十六。初芟除次耕耨兮。驅爵刈穫。春籟兮象田作。祈來年兮似續。我黍兮我稷。亘終古兮無極。右冬報。

明中奉大夫正治卿禮部右侍郎兼翰林院侍讀

學士誠齋管仲神道碑銘

明文皇帝起藩邸。喋血京師。剗刃骨月一時。士大夫膏

鉄鉞覆九族者。肩頰相望。甚者到其皮實。以束棄而縣之。嗚呼。上下史籍。自漢迄元。一千五百八十年。開忠臣。誅屠之酷。於是爲極。後二百四十餘年。會崇禎甲申之變。南都擁立禮部右侍郎守尚書管公紹寧疏曰。臣伏見給事中臣李清疏請賜建文諸臣諡。皇上幸下其章。令臣分別與卹。諡甚渥惠也。臣紹寧昧死言。諸臣生當高皇帝時。栽培休養。元氣磅礴。適遭屯厄。忠憤之氣。蟻擁颺厲。甘死如飴。上之嚮背。別骸禍延。族屬瓜蔓。株登。邑里爲墟。次亦腰領伏鎖。妻子流離。謹按方孝孺論死。至八百四十七人。練子寧論死。至一百五十人。其他族

誅及逮論。遣戍者。不可勝數。諸臣爲國受禍。甚烈。昔高皇帝初下金陵。首旌故御史大夫福壽。繼平幽朔。放蔡子英北歸。從故主於和林。所以勵死節。教臣子無二心也。況文皇子繼父統。非易姓比。當日已有練子寧在朕當用之之語。而諸臣咸懷一切。拘文牽義。莫肯將順。二百餘年。盛典闕如。史冊微名。若滅若沒。深可悲痛。亡怪燕京之變。禍至君父。不諱宗社。淪胥而臣下懷首鼠。捐生蹈義者。寥寥也。臣謹按諡法。稽之史籍。分別條奏。文臣方孝孺以下七十七人。武臣徐輝祖以下三十人。皆得予諡。仍乞立祠。畱都賜名表忠。他未請諡文臣。樓連

以下武臣耿炳文以下八十一人從亾臣程濟以下二十三人並令從祀惟皇上幸許裨益中興盛理不小臣紹寧昧死以聞詔曰可議者謂南都君臣舉動事事憤懣獨是舉大慰人望公有力焉公姓管氏字幼承紹寧其諱崇禎戊辰以第三人及第官編修戊寅遷南國子司業掌祭酒辛巳遷少詹掌南翰林院甲申陪京建號遷正詹尋擢禮部右侍郎先是思陵御極之明年崇禎改元首廷策天下士公策以正心誠意對誠字右戈誤從弋上御書足之輔臣頓首賀上悅拔寘第三公因號誠齋彰君寵也弘光立甫八日公以少詹陛見力請謁

青門麗臺卷十三

十一

梓宮省陵寢伏地流涕被面弘光爲愀然改容其行尚書事首議上大行皇帝后諡號議上惠宗讓皇帝代宗景皇帝諡號疏請卹諡甲申死難諸臣又疏請補諡告朝死諫忤奄諸臣正德時蔣欽陸震嘉靖時沈鍊天啓時繆昌期左光斗李應昇周宗建黃尊素以下凡二十五人先後得報可尋以病屢疏乞歸歸未匝月王師定江南常州太守宗灝賊驚人也又與公郊爲蜚語中公罪至死人或告公是利公高貲爾公喟然曰老臣亡狀負國恩生○氣○在○言○外○當死顧視顏儉活草土閒旦晚人爾卽死奈何以賄免重辱國守益怒併捕繫三子遂同日遇害時順

治乙酉閏六月距其生明萬曆癸未得年六十又三公
謹慎對人嘔煦溫然無嶄絕崖異之行立朝遇大議論
靡能傳經義持國體家居儉樸雖富而布被脫粟如諸
生客至共具纔設鮭菜議者猥相詆訛至謂以此賈禍
悲夫悲夫初娶葉氏繼黃氏周氏皆累贈夫人董氏封
夫人子三鉉舉人鍵貢生燧邑諸生同離公難者也孫
男一人滋琪邑諸生鉉出曾孫男六人初公遇害時滋
琪甫數歲一蒼頭匿之跳而免公歿之二十年滋琪請
於故殿撰楊公廷鑑銘其幽又十年曾孫國學生孝植
謁諸生邵長蘅請曰曾王父以變故弗具禮也惟是墓

青門簾囊卷十三

碑

七

隧之碑久虛敢載拜請蘅以賤辭則又載拜曰曾王父
之歿也有隱痛焉不敢溷當代貴人鉅公敢以煩下執
事蘅懼然不敢辭遂爲銘銘曰

唯歲執徐皇帝改元大開明堂賢良咸集公承寵休雲
錦奎章唯歲涪灘燬廟焚闕鐵脰大槍五馬浮渡羣狐
一輿祚亦不長公貳秩宗匡正綱紀恩汜泉壤板蕩再
遭棟折椽崩主辱臣亾虎耽狼瞰磨齧喻叻良臣罹殃
攫其三雛一雛一雛呱呱竇逃穴藏公侯之後將復厥始奕
世其昌曾孫曰孝請刻茲石歷久愈明

光祿大夫太子太保內翰林國史院大學士贈少

保兼太子太保文康宋公神道碑銘

代湯潛菴先生

明崇禎十七年三月流賊李自成擁衆號百萬旣剗太原培潼關剗大同昌平長驅陷京師遣賊將畧地四出商丘宋公時以遵化監軍擢巡撫甫三日賊驟至公知勢不措夜開道走入白羊峪圖後舉會故總兵唐鈺亦道亾遇之邀與俱部曲稍稍集有五十騎公灑泣誓衆諭以舉兵意斬一卒異議者以徇勒兵襲太平斬賊將黃錠遣守備某從一騎馳入喜峰謁賊將謬爲白事者突前擊斬將左右出不意皆警伏因撫定之囊其頭還報松棚三屯相繼下兩日有卒三千突入遵化擒僞官

青門籠彙卷十三

碑

三

十人得僞印七當此時王師已入關自成迎戰關門收奔還聞公舉兵屠其將悲甚將致毒於遵化公遣唐鈺乞援本朝而伏千人於城外約曰賊至而發第如吾令詰旦賊數千騎薄城伏卒如公戒易兜鍪旂幟噪而出遠賊後大呼曰北兵十萬至矣賊賊欲走城中出三百騎蹙之遂大敗遵化獲全未幾王師入都城遁

公集將士諭曰我封疆臣國亾無所屬復故主讐者卽吾主也盡誅僞官籍所復四路二十一州縣上於朝曰主讐復臣事畢矣具疏乞歸田詔不聽公歸巡撫如故公復抗疏以三事請其一首議崇禎廟號疏畧曰崇禎

知勇有過人者不得已以報韓之心爲哭秦之舉旣而歸命本朝首抗疏言人所不敢言嗚呼可謂盡心矣論者以公事與李勣魏徵相類愚則以謂勣與徵事唐爲故主之讐公事本朝爲復故主之讐後世必有論公之世而推原其心者公相業可紀者尚多它日載在史官余可不具論而於遵化事尤詳者以此也公諱權字雨恭天啓乙丑成進士初令陽曲魏闈生祠遍天下陽曲獨無闈所遣訶事者至縣人爲危之會闈敗得免崇禎間歷吏工兵給事中三疏劾冢宰銓政大弊貽禍封疆語激切枋臣銜之由爲山西按察司副使以母老

青門籠彙卷十三

碑

五

乞歸後數年流賊陷歸德一賊以令箭護其居曰吾故晉人感公恩以此報男婦匿公家得脫者近千入賊退公負母渡河走曹南走城武又遷白門京口所至拾薪汲水以供朝夕能得太夫人歡常刻壬午詩一卷題曰白華客况自爲之序曰白華志養也客况者何余無家也余何以無家中州羣盜如毛城破家亾棄子負母幸不罹難也嗟夫孝子仁人之川心讀者傷之尋起大名道調順廣再調遵化及巡撫之命下而明事已去矣按宋徽子之後以國氏漢以來代有聞人商丘之宋至莊斂公始大會祖處士公諱雷祖鄉飲公諱暘鄉飲生福

山公諱沾以孝廉令福山卒官貧不能殮邑人作墮淚碑記其事是爲公考莊敏公者諱纁明隆萬間名臣官冢宰與海忠介瑞齊名處士公之兄子而公之從祖祖父也公生明萬曆戊戌卒順治壬辰年五十有五配劉氏贈一品夫人與公同年生後七年卒年六十有二墓在闕伯臺左劉夫人祔副室李氏趙氏郝氏趙以子貴封太孺人贈宐人子男四長焯罹寇亂不知所終李出次犖以廕歷官今遷山東按察使次所以廕歷吏部戶部員外郎皆趙宐人出次焯舉人內閣中書舍人郝出孫男十人基太學生至庠生起侯補主事餘俱諸生女

青門籠彙卷十三

碑

六

若孫曾及姻戚詳誌狀可互見者不書公八歲喪福山公扶匱歸跣足號慟如成人福之父老歎嗟以爲異學問淵博詩宗少陵摩詰文宗歐蘇所推獎多知名士商丘諸生侯方域以古文辭名世亦公門人著有白華堂詩疏彙如千卷鏤板行公子所焯皆蚤世按察公以公行狀誌表來請文其墓隧之碑某已丑受知公爲門下士又辱按察公姻媾不敢辭乃序次其實而銘之按察公清名重朝野天子知其廉將大用銘曰

白馬作賓宋爰肇封後以國氏綿歷漢唐弘著建武均化九江元魏曰弁廣平遠祖開元相業上媿房杜宋有

二難曰庠曰祿政事文學祥慶長離翼翼商邑公從條
遠莊敏發聞晦久斯顯文康繼之陽九嶠崎歷否而泰
忠孝靡虧遂乘國鈞鐘鏞鼎彝帝曰汝權汝予臯夔
公稽首臣篤乞歸踰艾縣車涯涘孰闕闕伯臺左右
封鬱鬱有原膺膺有碑揭揭有豐其貽有碩其世刻茲
銘辭視古儔匹

青門簾櫳卷十三

碑

七

碑記

重修蘇州府學碑記

代

三代之時先王所爲治天下之大經大法無一不出於學周官樂師掌國學之政以教國子小舞大胥春入學舍采合舞秋頒學合聲又瞽宗秋學禮執禮者詔之則禮樂出於學可知以三物教民而賓興之卽成周取士之法而職之地官先儒以爲萬物載於地智愚轉於教也而其屬自鄉大夫以至州長黨正族師各掌其鄉州黨族之政教禁令則政事出於學可知樂正簡不率教者以告王親視學不變移之遠方曰棘曰寄則刑亦係

青門麓臺卷十三 碑記 六

於學出征受成於學歸以訊馘告則兵亦係於學至於春秋菜羹與夫興賢論秀養老射鄉讀法諸事亡論已故其時學校之制大備其材之成可以備卿大夫士之選而其得人之盛迥非後世可及蓋有繇也遭秦滅學法以破礪更漢唐盛時迄未復古郡縣往往廟祀孔子未慶曆開始詔天下立學歷元洎明而規制漸備荒陬小邑莫不有學於虜盛已論者謂後世一切致治之具不必出於學而所謂學者厯厯習章句訓詁爲諸生梯榮之階以爲不應古法此非通論也先王至今二三年其開制度之沿革變通若存若亡者何可勝紀學校

之設。勸於養成人材。以供一代之用。無失先王立教之指而已。奚必一一以求合於古哉。蘇郡有學考郡志始於宋景祐元年。范文正仲淹守鄉郡。因奏請立學。延胡安定。援主教事。距今六百餘年。蓋其廢興屢矣。康熙二十有三年。惟時海寓艾安。聲教翔洽。而又適當上元甲子。今天子稽古禮文。舉時巡之曠典。望泰岱。幸闕里。躬祀先師。奎章宸翰。輝燭宮牆。又慈詔天下郡縣學。各以時飭治。以稱廣厲至意。時湯公斌撫江南。實侶修之。立碑記其事。某奉命撫吳。後五載爲康熙丙子。是秋海多颶風。霖潦霍溢。學宮之地。垣墮木仆。殿廡欹圯。棟橈霑摧。墁堊輒斃。駢剝裂某。周覽噴然曰。是不葺且頽。大思無以廣教化。稱 上指。乃亟蠲俸倡之。藩使張君率寮屬佐之。庀工於十月某日。以十二月某日訖事。穹殿修廊。與夫櫺星之門。明倫之堂。藏書之閣。翬如翼如。復厥舊觀。其明年諸生請余文。將鏡石繼湯公。後按湯公所爲記。大指以道學經學。不當岐而爲二。而舉范文正胡安定爲師儒鵠。其論美已。某固陋奚容贅辭。請印已及者。申其說。史稱文正諸生時。卽以天下爲己任。先憂後樂之言。至今傳誦。蓋文正之心。大公之心也。公所立體者在是。它日功名著於將相。其用也。士苟不以

大公爲心則終身沒焉所營者一身之私利一家之私圖卽苟且小有所就要不足觀顧某豈敢以文正德業事功槩責之諸生哉諸生第心文正之心焉可矣安定教學蘇湖時方尚詞賦安定獨教以經義及時務曰經義齋者擇士疏通有器識者居之曰治事齋者人各治一事又兼一事如邊防水利之類其弟子出而筮仕往往適於世用於序今之郡學猶古也諸生乎有師文正之爲學者博士乎有師安定之爲教者則人才之盛何患不古若若夫苟卿所譏媮懦憚事無廉恥而嗜飲食號于游氏之賤儒者度非師儒所卽安且非湯公與

青門麗橐卷十三

碑記

三

某意也是役也費皆出於官經理其事者郡守某以下
竹得附書

於正處立論於大處起宗宋元明以來學記中有數
文字。碑記三篇皆青門先生代商丘公作用徐文
長鎮海樓記例仍編入橐旣可存文章之實亦逾以
見商丘公之賢傳之後世必有嘔想盛事爲不可及
者荆山吳士玉跋

重修東林書院碑記

代

宋楊龜山先生當政和以後爲寓公於毘陵十八年數
往來梁谿故毘陵梁谿皆有先生書院在毘陵者曰道

南在梁谿者曰東林道南廢已久東林則廢而屢興先是明正德閒邑人邵文莊公寶規復之王文成公爲之記按邑志東林在城東弓河文莊所復蓋非故址云尋亦廢萬曆閒顧端文公憲成高忠憲公攀龍相繼營今址重建書院麗澤依庸有堂燕居有廟貯祭器書籍有樓齋舍庖福有所書院之左爲特祠祀先生以羅胡七君子配而揭其楹曰道南祠歲集文士爲會至者常千人東林講學之盛遂甲天下天啟閒闢禍作忠憲以不辱死而東林又廢自是屢議復而未竟者垂七十年矣今上三十一年秋某奉命移撫吳瞻拜祠下慨然久之

青門鹿彙卷十三

碑記

三

會今大家宰孝感熊公學使海寧許公適有同志各捐金若干兩以屬邑令徐君經始癸酉十月訖工甲戌二月崇堂修欄復厥舊觀旣成以記請某愧未聞道於諸君子無能爲役無已姑誦所聞道者何君臣父子夫婦昆弟朋友是也學者何四子六經是也講學者何以明道也其理至近其行至庸宜乎胥天下無能自外於道學而究之道學之傳斷斷不絕如綫則何以故蓋自科舉之業盛士爭習爲記誦佔畢禪販之學而馳騫於功利得喪之途當其童而就塾其師之所教父兄之所期未有不縣科名爲鵠以希俸其一得者旣而以一切苟

且希作之心。移之官守。於是商遷次之久速。計官階之
崇。靡營營汲汲。脂韋汨沒。終其身耳矣。其或老而知還
則市田宅。規園池。以詒子孫。畜歌舞伎妾。以自娛。其賢
者亦流連觴詠。翫心二氏之說。休老焉耳矣。彼其遠道
也。則宜顧其人自少而壯而老。有能外君臣父子夫婦
昆弟朋友者乎。亡有也。然則道之在夫人者。猶未遠也。
第不著耳。不察耳。不著不察。由不講焉耳。語曰。百工居
肆。以成其事。夫書院固講學之肆也。肆而不居。與無肆
同居焉。而非其人。人焉而不事事。與不居同。是故士之
居是肆也。必聖賢以爲規矩師友。以爲斲鋸刀削。孝弟

青門麓橐卷十三

碑記

三

忠信以爲材。廉恥以爲繩。尺而身以爲器。以靳底於成。
若是。則書院之復。爲不虛矣。嗚呼。方二公之倡學也。海
內清修之士。聞風慕義。以東林爲歸。迨鈞黨之獄興。閤
箴焦灼。諸君子至於考掠刺劊。骨填牢戶者。相望而不
悔。而明亦繼以亡。當其時。東林一區。已爲瓦礫。惟恐摧
折。拉攏之不盡也。距今六十七年。姦邪之姓名。詬詈未
絕。而講席再新。視二公時。不異。可以見道學之在天壤。
雖遭禁錮。阨塞於一時。如日月之晦蝕。俄頃而復。而士
之有志者。益可以自信。某不敏。竊於代興。諸君子有厚
望也。遂刻石以記。

三大段文字直起直收是大家數求幅入時事沈鬱

湖灘頓挫遂爲絕調 荆山

二程先生祠碑記

式

京口有二程先生祠創於康熙二十六年蓋其後人有族居於是者乃合力成之有司以義起禮春秋二仲舍菜如著令而碑記闕焉諸生相率言於其邑之令令請余文記其事至再三益勤聞之宋儒有言祭不踰望故魯可以祭泰山楚不可以祭河惟人亦然諸子非其鄉國而祭之曰僭僭祭者非古余以謂非通論也今夫聖賢道德在天壤閒如江河之行地無乎不在蓋道德在

青門麓臺卷十三 碑記 三

一鄉則一鄉祀之道德在一國則一國祀之道德在天
下則天下通得祀之古者鄉先生沒而祭於社此祀於
一鄉者也周禮大司樂凡有道有德者使教焉死則以
爲樂祖祭於瞽宗釋者曰若禮有高堂生樂有制氏詩
有毛公書有伏生此祀於一國者也聖如孔子賢如四
配十哲則通天下得祀者也程氏之學先儒以爲直接
孔孟之傳又曰自孟子後一人而已蓋其道德宜乎通
天下得祀而況子孫聚族於斯者歟故其祭也非諂其
歆也以類余閒按明道先生無子嗣伊川先生子已而
又絕復以伊川後世次當繼者嗣之常怪太伯始君句

斷得解

引註如

吳無子弟仲雍立象傳至季札爲雍十九世孫而吳氏
尊法迎陵者往往祀太伯而不及仲雍心疑以爲闕典
今程氏竝祀兩先生可謂得禮意又按程之先出於高
陽三代以前世爲重黎氏至周始封程宣王時有程伯
休父常武之雅曰王謂尹氏命程伯休父是也自是代
有顯人而各以所居著姓望休寧者皆宗梁秘書少監
啓有文學與柳渾齊名啓孫靈洗以軍功顯於陳歷都
督贈鎮西將軍謚忠壯今新安之程其後也望中山者
皆宗魏安鄉侯昱昱之後有羽羽曾孫曰珣爲二程先
生父自其曾祖始族葬河南爲河南人夫氏族世系之
學亦儒者所當究心不僅資閱覽稱博雅且可以參攷
正史之闕軼余記問疎陋不能知京口之程出自何望
大槩可以見二程先生之道德久而愈尊其神明矚鑿
無所不之如曰必伊洛而祀先生隘之乎言先生也若
夫道學之淵源統緒學者類能言之無待余言之稱述
而以爲程氏子孫之俎豆則亦無庸述云

亂文自詞似可不必記而構思涉筆具有澹宕功涉
之致爲碑記變調 篇中每於斷處見法 荆山

青門籠彙卷十三 碑記 孟

毗陵 邵長蘅子湘 纂一名蘅

鹽官 陸嘉淑水修批點

行狀 行述 書事 祭文

中憲大夫江南布政使司叅議分守蘇松常道方

公行狀

曾祖天敘明贈少師吏部尚書中極殿大學士

祖希哲明邑庠生

父士淳 皇清任饒州府太守追封中憲大夫

公諱國棟字于霄別自號艾賢其先浙之德清人後徙

青門麓藁卷十四 行狀 一

順天明太師文端公從哲於公為從大父故公之六世

祖允高祖華及曾祖皆以文端貴贈如其官考亦以文

端廕歷官太僕寺丞工部郎中入本朝遷饒州守未及

任而卒公生而敏穎過人十歲善屬文十六補郡諸生

順治乙酉與伯兄于光同舉於鄉伯兄成己丑進士而

公連不得意於禮部試尋例授蠡縣教諭遷國子監助

教逾年陞博士丁饒州公艱服闋補原官遷刑部江南

司主事歷雲南司員外郎福建司郎中決獄務寬恕多

所平反每與尚書爭獄事必傅經義据律例尚書多屈

意從之出為廣東按察司僉事分巡海北道巨寇鄧

踞海岳。躬山沒剽掠。爲雷廉患。公請諸制府。檄五路裨將。會兵二千。躬總之。進逼賊巢。公計賊窮蹙。必跳而走。預爲檄。檄鄰壤左江道。及安南國王。勒兵防其他。逸耀果惶懼乞降。乃散遣其衆。貫脇從。招餘黨。所全活以千計。雷廉富民被賊誣株蔓繫獄者。纍纍公爲白其冤。破械出之。富人哀白金數千兩。壽公。公駭曰。吾憫若無辜耳。若奈何以金污我。卻不受。雷廉人感公德。生爲肖像祀焉。遷山西布政司叅議。整飭寧武兵備。寧武地當邊徼。故瘠貧。官府所需。率取辦於商。估吏卒因以旁緣侵漁。於是行旅不至。公私交困。公到官。革易前弊。屬吏洗

青門麗臺卷十四 行狀 二

手奉法。商貨流通。嘗攝鴈平道。鴈平主給三邊兵餉。先時監司多貪穢。餉不時發。又朘減其數。公悉更之。出納亡毫髮。染久之以裁缺。改分守。蘇松常道。康熙十二年。也。蘇當江浙舟車之衝。公甫至。會用兵甌閩。大軍數往來其地。芻茭牢廩之供。責辦倉卒。大吏督趣郡縣。以集事爲能。郡縣吏承望風旨。益苛急。繳繞不暇。爲閭閻計。公獨從容籌畫。務寬民力。問左晏然而軍亦無乏。興詔遣滿洲蒙古兵數千。駐防蘇時。議築營舍於王府基。公以謂兵民雜掾。勢難久安。且基爲僞吳張士誠宮址。明初常建府署其上。官吏罹禍甚酷。後遂爲禁地。爭於中。

丞甚力乃改營南城隙地民以爲便善權寺在義興萬
山中寺僧與豪姓陳氏爭墓地久不決陳氏聚衆百餘
人燔燒寺屋殺僧衆令以倡亂聞中丞議遣兵撲滅公
曰陳氏爲墳墓計憤不顧難耳非謀反也急之則亂成
自請單騎往馳詰其地縛首禍數人寘之法餘無所問
事遂平甲寅以後三陞連歲用師度支苦不給詔督撫
以下吏計畫有可裕餼者許便宜條上公持論以爲古
今生財之法不過開與節兩者議開於今日無可復加
則當議節而節儉當自朝廷始舊制歲市江南宮布五
萬匹僅以供官府賚予宜可罷而歲省帑金三萬計中

青門籠彙卷十四 行狀 三

丞采其議上之詔報可公性儉約歷官三十年補衣糲
飯日設纜具鮭菜倡優聲伎裘馬珠玉玩好之需一無
所嗜操胥吏如束濕薪而拊循士民藹然具有恩意吳
俗健訟喜投鉅告密公欲窒其流故訊牘填委或經月
無所案問案亦務寬慈管不過廿凡法吏所爲關蹀械
匣稜指諸治獄具或經歲不用與人交和易無叮咛雖
接卑下士未常疾言倨色然意所不可則嶄然不可以
勢利斂中朝貴人遣幸伶入吳伶故吳中亡賴子里人
屏不齒者至是怙勢恣爲姦利事有司以貴人故折節
下之與鈞庭揖讓大吏亦往往假以優禮公獨不少屈

伶以非法干請亦不聽伶大怒去然竟亦無如公何其特立如此江南需戰艦檄公採木義興山公督率吏士政履叢篁峭阻深林窮壑之中以勞勩遺疾遂不起卒以康熙十六年丁巳十一月七日距其生明天啓辛酉得年五十七又七娶賈氏前卒追封恭人子男子一辰舉人娶都察院僉都御史武進徐公元琪女側室葉孺人出女子一蚤殤賈恭人出母張封太恭人所之宮必迎養官舍人以爲榮年八十餘後公若干年卒公子辰奉喪歸之次年營葬於順天府大興縣方家莊之祖塋初公死百姓咨嗟罷市相與歛錢致奠輟以千數及喪歸

青門籠彙卷十四 行狀 四


爭設槃按路側輿枳不得行後三年公子以事至吳舟過閭胥兩門父老相扶攜在觀或有泣下者又明年士民合詞請祀公名宦以爲未足報公又合詞請於臺立專祠虎丘之麓祀之嗚呼公何以得此於吳民哉憶公流吳時藹以部諸生辱下交嘗爲文壽公大畧謂吳俗奢而民實貧譬如聲色芻豢之夫狀貌魁然肥也然元氣腹削外疆中乾醫者不察又投之以金石之藥其患將有不可言者謂公宏噢咻而安養之於是乎揀之以節儉載之以清靜吳疾自是有瘳乎公不鄙愚言其所以治吳大指如藹所稱說嗚呼吏治當救火揚沸之口

而公獨灑然濯之以清冷則其感人也易其入也逾深
空吳民之尸祝公者久而不忘也公子辰字共樞年少
力學攻文章所交率知名士既撰公行畧乞銘於編修
長洲汪公琬又請於知靈壽縣平湖陸公隴其表公墓
復以傳屬蘅蘅以賤辭公子請益堅蘅復於公子曰古
名臣功德足不朽者必件繫其歷官行事列之爲狀用
牒考功太常議謚牒史館請垂編錄而狀往往皆門生
故吏爲之蘅請依古撰行狀一通令後世傳循吏者有
所考公子曰諾乃采誌表所書參以耳目所覩記稍加
詮次俾存之家乘門下士毗陵邵長蘅謹狀

青門麓臺卷十四

行述

五

先考冠帶鄉飲賓海鷗府君暨先妣楊孺人行述
嗚呼傷哉賤也蓋先府君之棄不孝蘅九年矣惟是視
空封窆之日思所以納一言於壙而弗果也然是時蘅
猶守一弟子員意若有所待乃今已矣嗚呼傷哉賤也
墜世德弗述棄先人懿行弗彰常懼卒填溝壑以爲大
痛今年春蘅族人共有事於宗譜以屬不孝蘅聞乃詮
次所聞於長老及所親覩記者爲先考妣行述冀邀惠
於海內名公鉅人倘哀而賜之一言不孝蘅死且不朽
府君諱  字明父海鷗其自號也按邵氏本姬姓系

出名公後世爲燕人始祖康節公諱雍遷河南宋嘉祐

開以處士徵授將作監主簿復補潁州團練推官皆不
赴卒贈著作郎諡康節從祀聖廡長子子文公諱伯溫
歷官利路轉運副使因家蜀卒贈秘閣修撰生三子長
淵清公諱溥次博次傳建炎初淵清公扈蹕南渡家於
杭累官戶部侍郎徽猷閣待制而博與傳之後仍居蜀
故蜀成都有邵氏淵清三傳至昭明生二子長諱澤理
宗初登第歷吏兵二部侍郎次淳以上舍釋褐官越之
新昌令因家會稽淳曾孫千八府君忠由會稽遷餘姚
之清風里是爲餘姚邵氏遷祖澤生教授公諱宏卒官
平江教授宏生重七公諱某爲江陰丘忠定公密贅婿

青門籠彙卷十四

行述

六

始家毗陵之漳滏占籍爲毗陵人五傳至宗一公諱真
仕爲王官又大傳至守泉公諱誥卽先王父也自淵清
公至王父凡十八世王父初娶卞氏生府君繼娶解氏
生仲父文煒府君生四歲喪母已哭泣如成人稍長就
外塾語及母輒哭爲小像懸牀第開對之飲食輒又哭
後母恚口是兒不吾母耶扶之守泉公憐之潸然曰兒
有至性然府君卒亦得後母心以孝聞府君少穎敏七
歲能屬對稱善卽又代塾中兒屬對塾師爲他兒訓章
句府君竊聽之卽了了塾師大奇之然守泉公故作苦
又家世業農以故弗能竟學弱冠挾冊爲童子師非其

好也。府君爲人沉厚，有大畧，望之寬仁長者也。然遇不平事，慷慨激昂，雖強禦無所避。數爲人排患解紛，尤好給施於姻戚宗族貧人，調護之尤厚。居家儉樸，不喜衣純綺。然公事必先辦，赴縣官之急，故長吏多重之。豪某者以任俠橫里中，數侵守泉公府君，憤然曰：「我在渠寧，至是且是魚肉，寧有已耶？」戒諸少年途毆之，而持其他好事白府豪，窘詣門求交歡。府君笑曰：「若橫乎？」豪頓首伏，以是名聞里中矣。先是江南歲輸白糧於京師，明時故用富民主運，往往至破產官爲五年一審，實先期籍富人名諸富人隸籍中者，爭衣襪襍衣爲婁人狀，匍匐

青門麓藁卷十四

行述

七

哀號所脫，而會府君名亦在籍中，獨衣冠偉麗。邑令馬侯心奇之，呼語曰：「若知里中富人誰何，具以實對。」府君從容誦指曰：「首王鐸，次卽某，鐸蓋同時以貲甲里中者也。」侯遽起揖之曰：「長者，長者。」侯名嘉植，浙之平湖人，素嚴重，號善鈎距，吏民畏之如神。顧獨心重府君，延入坐上，坐折節爲布衣交。每有興革，輒以詢府君。府君爲畫利害，輒聽，然終不干以私。邑大旱蝗，府君請令民捕蝗，請吏計石斗給錢，而自持私錢若干緡助給。侯義之，上其事於兩臺，爲建棹楫，予冠帶。久之，府君年五十，郡舉鄉飲酒禮延府君爲鄉飲，賓薦紳先生及邑人士皆以

爲定其明年弘光擁立畱都盛鬻爵入數百金立得官
京師爲之語曰職方賤如狗都督滿街走會府君以絲
役至都有欲爲之地者笑曰纍纍者皆沐猴冠耳何污
乃公爲未幾果敗人服府君先識云府君故輕財晚年
喜施予益甚順治辛卯壬辰間郡邑數大水府君作粥
糜活流冗又計口給宗黨尤貧者三日散一困米輒盡
有田數百畝故瘠磽個人不能償歲入與責券約明年
償明年又荒竟折券棄負族人河南翁老而盲無子族
母王媪亦無子先後來依府君養之終其身有生子棄
不舉者府君惻然曰嗟乎人遽不虎狼若耶勸收之歲

青門麓豪卷十四

行述

八

給米三斛竟十歲罷後有以舉子告者給如之其兒女
子長成迨婚嫁往往持羊酒扶攜來謝邑令尚侯昂雅
知府君臺使者行部舉善行檄旌之予旌扁曰兩朝者
碩明年他使者至復以府君應臺詰之曰邑中善士實
無踰邵某者檄旌之如初其見重如此府君素強健無
病忽病胃遂不起疾且革呼蘅語曰吾族不過百人耳
然貧不能養與娶與死不能葬者何多也吾嘗欲置義
田以贍吾族而力不售願今已矣夫吾死割東宅屋一
區建祠祠康節公割某所田若干畝爲祠田吾姑視吾
力所及而爲之後世子孫或有能大其事者蘅俯首流

涕曰謹識之不敢忘遂卒時年六十有八痛哉卒之日巷哭之聲相聞宗族無少長聚哭至失聲卒後三月蘄建祠割產如治命祭之日宗族無少長又聚哭至失聲痛哉痛哉府君以布衣產不過中人然內外親待府君舉火者十餘家貧不能舉子娶婦爲經紀之者十餘家貧而養之終其身者數人死爲治棺殮與隙地葬者二十餘喪至稱貸不取息者姻黨族屬間如外府也府君好施蓋出於天性後不能給多貸子錢家應之以故家漸窘然終不自悔府君故落落不問家人生產能成其志者蓋先妣孺人之力爲多孺人卒後家亦稍落云

青門籠彙卷十四

行述

九

先妣孺人姓楊氏處士公諱柔女前癸未殿撰諱廷鑑族姑年十五歸府君孺人性警敏嚴毅內外敬憚之歲時治脯醢菓餌餽遺其宗親數十家厚薄皆有意猝有重客至府君則對客談笑不問有無孺人爲治具皆立辦嘗夜臥聞足音遽促府君曰起起奴盜吾穀起躡之果然曰是足音蹙然類有所任負者吾是以知之御婢僕嚴而有恩遇其怒卽老奴悍婢屏息不敢吐一語頃之則又媁媁如平時內治產業至纖悉不遺錙銖然獨喜施予見人飢寒輟哺解衣與之府君所爲贊之惟恐不及晚喜奉佛構小閣供維摩像朝夕膜拜雖大寒暑

不輟以爲常時時對侍女談說佛法及人世果報事媿
媿不倦卒時年僅六十子姓姻連方謀爲孺人壽而疾
不起矣先是孺人舉五子皆夭爲府君治妾舉一子又
天生長蘅時年四十一矣初諸兒皆別乳蘅顧孺人自
乳保愛異他兒然不肯事姑息府君故寬慈又以晚年
舉子時呼著郝上啖以糗糈棗其課子不爲束濕優
游而已孺人顧反操急如嚴師蘅十歲籍於學爲弟子
員督課之益急自塾歸問以所業有所益則大喜言笑
異他時不則怒不食呼蘅長跪且泣且詈姊譬之曰母
老止有是兒何苦之爲孺人曰吾所以愛之也試有司

青門籠彙卷十四 行述 十

一再第高等孺人喜爲加一殮已再蹶於鄉孺人強慰
解不欲重傷蘅心然意不能無介介者疾革時家人皆
環侍呼蘅婦語曰吾冀汝生兒吾一抱孫焉今不能矣
然新婦命相宐子無憂也已執蘅手絮泣曰天乎吾日
夜望兒成立吾故督過兒乃今竟不及兒成立也是命
也夫歔歔久之已曰兒輩姑退吾欲少靜頌佛數聲遂
逝卒後四年蘅舉一子又一年而蘅絰新令黜弟子員
籍嗚呼蘅竟已矣蘅不孝之罪乃上通於天痛哉痛哉
片君生明萬曆甲午三月廿一日卒順治辛丑十月十
八日先妣楊氏生萬曆丁酉三月十八日卒順治丙申

四月十五十一子卽長蘅嬖錢氏三女長適周次戚皆
穉。出次適毛妾出孫男三人長士驥次某次某新阡
定。東鄉之中村以己亥之十二月十六日奉孺人柩
奔以辛丑之十月廿六日奉府君合焉葬時誌銘闕康
熙己酉六月某日不孝男長蘅泣血謹述

書先府君遺事

甲申客畱都同寓多少年爲呼盧陸博之戲府君若不
省少年竊語曰田舍翁安知此府君聞之笑曰吾直百
金乃博耳少年欣然持百金從府君博數負羣少年故
心易府君及博乃反負慚憤盡百金爲孤注府君遽一

青門籠彙卷十四

書事

十一

擲勝之少年相顧失色府君掀額大呼曰田舍翁竟何
如雖然吾不利若金也明日大張俱具延妓樂益召賓
客故人呼羣少年與縱飲不數日盡百金罷蘅家一老
蒼頭時在旁知狀言甚悉戊子春府君僦居郡城而令
奴守漳湟居是日方召客奴遽至白曰昨漳湟居益劫
府君不顧白至再曰已知客有慰之者曰趣飲耳此小
事乃介胸臆閒耶飲極歡如平時府君寡言笑雖子姓
臧獲終日未嘗見其喜怒然豪於酒晚益詼諧跌宕醉
則衣繡鬚簪花白鬢酖顏起舞歌呼羣兒拍手聚觀以
爲樂又令座客謳自爲按板有不能愈益強之往往醜

之至醉每醉婆娑歸或扶掖之則怒先是先大母病困時思鮮魚鱸不卽得語極酸楚府君幼然心憶其語每食魚悲泣不自勝遂終身不食魚府君多鬚鬢短而豐下細目廣額垂耳孺人纖瘠而頤顙微高年四十餘卽頭涔涔震後益震蘄所親視記者如此夫人子之於親其衣冠警效無不思也況平生之有可髣髴者乎余欲後世子孫想見其音容故不忌細小書之爲先府君遺事附家乘焉

書崔太守事

崔名宗泰遼東人以松江郡丞遷守常州性明察嚴毅

青門龍臺卷十四

書事

七

有幹畧始至會征閩大軍十餘萬駐郡牧馬四旬人情恒擾宗泰先期調集供張儲備一切立辦嘗令獄囚丸泥爲彈丸數斛左右莫解一日將軍馳騎郊外索彈丸急宗泰命取以應其織悉豫備皆此類也有遊騎十餘入村落逐婦女二人滿河死宗泰偵知夜叩營門白將軍請兵部官及章京牛条十七人偕騎而馳遇遊騎叱下馬收縛將軍爲戮一人貫七人耳鞭隊伍長以上十餘人一軍肅然又時時單騎按行城內外遇小有剽竄遣一隸傳呼曰崔太守來則錯愕引避去然有求輒應將卒亦以是德崔太守久之兵與民習市易如故令甲

郡漕以推官監兌時推官懦而衛弁橫甚卒素驕邀索亡厭宗泰稍以法繩之卒聚而譁會常鎮兵備道缺臺檄宗泰攝兵備宗泰又自請於漕使者以令箭檄之監兌明日盛騶騎吏卒帶刀韃羅從臨倉呼衛弁語曰若縱卒捍太守若且得罪弁惶恐頓首謝久之曰若亟兌漕無病民吾貰若於是晝夜兌竟漕無一卒譁者未幾以絀誤當左遷民號哭奔走罷市願詣闕請畱者萬人然竟左遷興化丞後再過毗陵野老爭餽斗米把蔬隻鷄宗泰親引見慰藉之爲受一二皆涕泣叩頭去順治間毗陵良二千石首稱祖崔祖廉靜不苛持大體崔善鈞距吏民驚神明論者以祖治行類黃霸而崔比之趙廣漢張敞云祖名重光亦遼東人卒官天津巡撫

書趙一桂事

趙一桂者不知其邑里崇禎甲申三月以省祭官署昌平州吏目營葬思陵事竣列其狀申州畧曰職於三月二十五日奉順天府僞官李檄昌平州官吏卽動帑銀僱夫穿田妃壙葬崇禎帝及周后梓宮四月初三日發引初四日下窆時會州庫如洗又葬日促監葬官禮部主事許作梅束手無策職與義士孫繁祉劉汝朴等十人斂錢三百四十千隲夫穿故妃壙方中羨道長十三

丈五尺廣一丈深三丈五尺督工四晝夜至初四日寅時美道開通始見曠宮石門工匠以拐丁鑰匙啓門入享殿三開陳祭器中設石案一懸萬壽燈二旁列紅紫錦綺繪幣五色具左右列侍宮嬪生存所用器物襲衣奩具皆貯以木筭殊紅之左旁石牀一牀上疊氈毼五采龍鳳衾褥龍枕又啓中羨門內大殿九開正中石牀高一尺五寸闊一丈陳設衾褥如前殿田妃棺槨厝其上初四日申時先帝梓宮至陵停蓆棚陳豬羊金銀紙鏢祭品率衆伏謁哭盡哀奉梓宮下職躬領夫役奉移田妃柩於石牀右次奉周皇后梓宮石牀左然後奉安

青門籠臺卷十四

書事

十四

先帝梓宮居中田妃葬於無事之日棺槨如制職見先帝有棺無槨遂移田妃槨用之梓宮前各設香案祭器職手然萬年燈度不滅久之事畢掩中羨閉外羨門復土與地平初六日又率諸人祭奠號哭震天者移時呼集西山口居民百餘人畚土起塚又築塚牆高五尺有奇幸本朝定鼎爲先帝建陵殿三閒繚以周垣使故至陵寢不侵樵牧雖三代開國無以復加竊計一時斂錢諸人皆屬義士孫繁祉係生員捐錢五十千耆民劉汝朴錢五十千白紳錢三十千徐魁錢三十千李某錢五十千鄧科錢五十千趙永健錢二十千劉應元錢二

十千楊道錢二十千王政行錢二十千合三百四十千
嗚呼甲申之禍。天崩地塌。傳聞烈皇帝大行昇至東華
門。賊殮以柳木。覆以蓬廩。老宮監三四人坐其旁。諸臣
皇皇然方投揭報名。翹足新命。梓宮咫尺。無一人往謁
甚者。揚揚得意。得揮鞭疾驅。過之曾不足當一睨者。而趙
一桂。胥史末員。孫繁。社劉汝朴等。草莽布衣。相率歛錢
營葬。奠醊號哭。令諸臣聞之。當咋舌愧死入地矣。昔元
僧楊理真。仰發宋殯宮。唐珙。林景熙。夜往收遺骸。瘞蘭
亭山。後種冬青樹。識之。謝翱爲作冬青樹引。記其事。至
今四百餘年。目爲義士。諸人高義。寧遽出。珙。景熙下哉。

青門籠彙卷十四

書事

五

友人譚吉聰。康熙初客京師。嘗徧謁昌平諸陵。撰肅松
錄二卷。錄中載趙一桂事云。得之州署。故吏牘中語。可
信不虛。烈皇帝不幸遭離。百六躬殉社稷。草草渴葬。此
亘古深痛。余懼後世史失其詳。輒據一桂語。稍加刪潤。
備著之。如右。又按許作梅。河南新鄉人。庚辰進士。官行
人。從逆。改僞禮政府屬。一桂不知賊僞。署官號。故仍稱
禮部主事。僞順天府李不詳何人。常見甲申野史載襄
城伯李國禎。以死力爭三大事。又稱藁葬梓宮。惟襄城
一人。往送返役。卽自殺。今以一桂事考之。襄城未嘗至
陵下。灼然無疑。而爭三大事。及自殺。亦似傳譌。寧都魏

禧作新樂侯傳贊附載襄城事與野史頗異同云

甲申紀變畧曰襄城伯李國禎聞賊昇帝后梓宮東華門外國禎泥首去憤踰躑奔梓宮前伏地大哭賊執見自成復大哭以頭觸堦流血被面自成以好語誘之降國禎要以太子禮曰能從我即降一祖宗陵寢不可發一葬先帝以天子禮太子于田貴妃墓惟國禎一人斬衰扶出賊乃以禮葬先帝於田后寢前自縊死之
步往送至陵襄事畢遂於帝后寢前自縊死之
魏禧新樂侯傳贊畧曰李國禎亦戚畹總督京營兵賊入城國禎解甲降賊帥張能督輸銀數萬兩而國禎第已為他賊所據無所得賊拷掠兩脛俱折國禎夜解所繫繯自縊死他書載國禎死帝后旁誤矣此禧得之友人錦衣衛僉事王世德時蓋與國禎同執云

書牧子先生遺事

牧子先生姓堵氏父堵翁無子禱於三茅山神甚虔一夕夢神語曰吾昇而一子自擇之吏導至廡下啓一室

青門篋裏卷十四 書事 去

冠進賢襴袍束帶列坐十餘人吏問所欲翁曰吾不願也又啓一室儒衣巾列坐者十餘人翁又不願旁小室局鑄頗嚴窺之惟一牛欄牧牛兒睡其旁翁曰吾欲得牧牛兒為子吏白之神神曰此非而子也它惟所欲翁叩頭固請神曰必欲得牧牛兒夫婦當減算翁叩首曰誠得牧牛兒為子願減算也神乃許之既覺具以語媪如夢中媪亦喜未幾果有娠生子因字之曰牧子後又自號牧遊生云不數年翁媪相繼死育於外氏生少落魄嗜酒亡賴好大言時流寇漸蔓延西北天下將亂生慷慨思奮功名顧挾冊為里塾師非其好也大書屋壁

曰。素餐。賤行乎貧賤。受牛羊則牧牛羊。又盡一歲束修所入。范白金鑄頭顱杯。容一升許。出入攜持。爲飲器。銘曰。若要賊滅除。非堵截人傳而壯之。常讀書村寺。醉歸失足墮泥。塹罵曰。伽藍神司何事。不爲我除道。提神像投塹中。夜夢神逐之急。俄聞空中語曰。是不可逐神。乃止。爲萬言書抵太守。自薦邊才。欲北詣經畧熊廷弼。大言曰。熊公雖知兵。非我佐之事。且敗太守目笑之曰。狂生狂生。其儻蕩多類。此年三十餘。舉孝廉。崇禎丁丑。成進士。自以幼孤。不及事父母。登第後。奏持服三年。廬於墓。墓上枯桐。載華。蛛絲成孝字。有桐華篇傳世。辛巳官

青門麓橐卷十四

書事

七

長沙知府會山賊蕭相宇竊發。擾安化寧鄉。數敗官兵。生率鄉勇破斬之。又破醴陵。燕子窩賊。斬其渠。曰草上飛。於是中外稱知兵。甲申。留都擁立。遷武昌。兵巡副使。改督學。尋擢巡撫。湖北先是李自成旣死。其義兒李錦等十八部屯澧州界上。號三十萬。遠近大震。生偵知。錦母高氏有智術。軍事皆取決。而高氏弟一功所部二萬人。驍勇爲諸軍最。生單騎詣其營。錦一功以鐵騎數千來迎。入營。稱詔。賜高氏命服。賜錦一功蟒玉。及金銀器。犒其軍。皆踴躍叩首謝。軍中寘酒。生南面坐。引卮談論。慷慨具陳。忠孝大義。纏纏數千言。明日高氏出拜呼錦。

曰公神人也。汝曹不可負別部相繼來謁，皆如約受撫。事聞，封高氏英淑夫人李錦左軍侯，賜名赤心。高一功，右軍侯，賜名必正。其它部爵皆通侯號。忠貞營自是屢立戰功，加總督侍郎，賜上方劔，鳳紐銀印。順治六年正月，本朝大軍下湘潭，生兵敗走郴州，又走肇慶。檄名李赤心等，於簾鬱將率之出楚謀，再舉至梧州。部曲稍稍散，赤心等亦不至。恚恨疾遂革。十一月，舟泊潯江，夜且半，遽索紙筆，草遺疏，復自題其像，擲筆呼左右語曰：吾不能馬革裹尸，今斃命臥榻，死有餘恨。奮衣起，欲自沉於江。左右力抱持之，是夜尋卒。生名蔭錫，字仲緘，義

青門麓藁卷十四 書事 六

與人一子世明，亦以是年先卒。於軍生平所爲詩文多散逸，不傳。曩余於叅友吳山人仲侯處見鈔本詩一卷，五言如鄉音喧入市，樟樹長過樓。薄日淒天色，空山細澗聲。人隨天近遠，髮與路縱橫。鴈聲寒嶺北，僧照夕陽東。薄霧深江色，寒漁隱岸聲。松風尋澗落，店火出林明。憶驥兒爾讀書，能苦余爲官。日貧七言如喜不醉人，村市酒苦難成句。意中詩亂山孤，月清兼夢歛。枕涼蟲氣雅，秋晚光過樹。空山近人影，入池流水虛。滿灘風捲蘆花夢，一枕霜清兩角秋。不腥荒草白，餘骨作陣饒。烏生噉人哭，盧司馬象昇誓飛鐵騎將軍血，肯受金牌廷尉

草又起句如故。鄉月色異，鄉明把酒難忘。酒後情百道。映光萬仞閒。青巒面而照人顏。皆清警可誦古體亦多。警篇惜不盡憶也。後五六年其友人魯釗走蒼梧覓遺骸不得。得遺像以歸。其自題曰：吁嗟牧子遭家不造，誠身事親遭時多難，誠身事君四十九年，孤兒逋臣，嗚呼丁哀也已。釗字桐聲，亦狂士。初先生未第時所與交如。釗輩者八十人，號十鈍。或曰十遁亦號十癡。甲申之變，往往散去後多不知所終。惟釗存。

結處意境蒼涼，抵一幅荆軻易水圖。

書龔先生事

青門籠彙卷十四 書字 九

先生名穆，字孟遠，余邑人。世居新墻鄉之龔巷，隱居躬耕授徒。王文肅公懷白康敏公昂皆其弟子。明成化初，文肅以學士歸。侯先生方與比鄰，通功桔槔灌田。文肅拱立桔槔下，先生曰：子先入吾室，吾償其功。畢乃歸耳。文肅抵其家，久之，先生歸。文肅拜先生，答以長揖，贈金帛不受。受其肴核，卽與文肅通夕對談。晨起，文肅辭。先生曰：曩子肴也，吾亦有一肉出而食之，別去後，推爲鄉飲賓。不赴，先生它行事，不概見。余慕其人，殆法高卿、漢陰、老父、儔也。是豈有富貴貧賤在其意中哉。萬曆間，唐太常鶴徵篋邑志傳先生於隱逸，可謂無愧余司。

里某君者。麤有文筆。尤工擘窠書。國初客楚。大將軍幕府。再致千金。僑居武昌。因家焉。晚益饒於貲。買兩少妾。有質庫在安陸。聞某君好奇。而喜遊所。至往往作斗大字。勒崖石。題名其後。嘗樵响。樓禹碑。立石大別巔。又營生壙於大別。自爲誌銘。系以詩。其人風流儻蕩。亦自可傳。近見吾邑志書。顧列之龔先生後。厠名隱逸。非其倫矣。善乎范曄之論逸民曰。蟬脫羈埃之中。自致寰區之外。異夫飾智巧。以逐浮利者乎。斯言得之。近世巖穴。無二。乃以大將軍幕客。克隱可慨夫。

哭八兒士驥文

一字一泪祭文絕調

青門籠彙卷十四

書事

三

天乎冤哉。吾負吾兒。吾死吾兒。天乎冤哉。昔吾作客汝在孩提。汝母食貧。羹藜澀。喉棘。吻兒實苦。飢詭曰。腹果掩而背啼。吾時聞此。中心愴而孰爲人父。而顧令汝生不獲一箸之甘。一七之肥。迨兒稍長。驅就外傳手。披口哦。父繩師課。冀汝夙成。操若束濕。暮雨燈炮。晨雞影隻。汝稍余忤。扶之以甘雨。而哀號。掌墳屍。赤叱。汝長跪且讀。且泣。母曰。兒癡掩袂酸鼻。兒病臥席。月在孟陬。枕兒以股。兒將我鬢。兒爲我言疇昔之夜。歲粵云除夢。胡二人東西。卻立戟手。兒呼兒跳。以趨躓於門。杖元旦。不戒火。燕具裙。厥占曰。災盍禱於巫。余曰。不然。汝命在。

天里巫邨覲。又奚知焉。汝頷以臚。擗感不言。曾未浹旬。奄就重泉。天乎冤哉。天乎冤哉。飢汝於襁。祿虐汝於齠。齠而又恣。然汝於瀕危。吾實不慈而死。吾兒吾又奚尤。而又奚悲。曩時王父舉吾年四十。又三吾舉汝時年二十。又三記庚子元日。汝適洗三王父欣然撫汝而呼我曰。汝亦既抱子。視吾尚蚤廿年。距吾舉子之歲。行抱孫焉。孰意垂成而天奪之。竟兒之妖夢是踐耶。汝高王父。以至汝王父累世好施。寬仁厚德。一宐壽汝仁孝聰明。湛溺經籍。二宐壽矧目疎眉頎而白。哲三宐壽而胡竟夭折死耶。意余之福。衷浮氣。雌黃唇頰。播弄筆墨。犯造物者之忌。以至此耶。汝母哭泣。毗血成碧。汝妹哭汝扶牀。嗚咽聞汝岳母。計聞之日。涕淚沈瀾。一慟幾絕。自汝沒後。奄忽三旬。家人墮泣。婦女啜嚔。彼猶如此。而我何以爲情。嗚呼有盡者辭。無窮者悲。余口茹蘖。腹則割刃。聲盡血枯。腸裂以寸。嗚呼哀哉。

除夕祭亾兒文

汝舖而飢。汝寒而衣。吾則汝思。汝朝出嬉。暮不來歸。吾則汝疑。而今恣然而長辭者。已及一朞。去歲茲夕。兒女擁爐。笑言啞啞。今歲茲夕。弱女牽裾。泣涕漣漣。兒安在哉。委骨荒蹊。藤蔓纏棺。嚙螿穴肌。鼈鼈宵舞。鶴鷗晝啼。

兒。如。有。知。兒。亦。悲。矣。

姪東赤文孫編次

男士豫
士京
全校字

青門簾櫳卷之十四終

青門簾櫳卷十四祭文
三



